



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE GJILAN

Numri i lëndës: 2018:035710
Datë: 19.11.2018
Numri i dokumentit: 00171090

P.nr.529/2017

NË EMËR TË POPULLIT

GJYKATA THEMELORE NË GJILAN, përmes gjyqtarit të vetëm gjykues Behar Ymeri, me sekretaren juridike Fatmire Sermahaj, në çështjen penale ndaj të pandehurit Sefedin Gjylekari, nga Gjilani, për shkak të veprës penale Lëndim i lehtë trupor nga neni 188 paragrafi 1 nën paragrafi 1.4 të KPRK-së, i akuzuar sipas aktakuzës të Prokurorisë Themelore në Gjilan, PP.II.nr.855/2017, të datës 30.05.2017, të cilën e përfaqëson prokurori Shefik Memeti, pas mbajtjes së shqyrtimit gjyqësor dhe publike, më datën 14.11.2018, mori dhe publikisht shpalli këtë:

A K T G J Y K I M

I pandehuri S.Gj. nga i ati M. dhe e ëma A., e lindur K., i lindur më ..., me numër personal ..., i lindur në Gjilan, me vendbanim në Gjilan Lagja “ ... ” rruga “ ... ” nr. ..., ka të kryer shkollën e mesme, punëtor, i martuar, baba I tre fëmijëve, i gjendjes së mesme ekonomike, shqiptar, shtetas i R. të Kosovës, më parë i dënuar, nuk udhëhiqet procedurë për veprë tjetër penale.

ËSHTË FAJTOR

Sepse më datë 19.05.2016, rreth ores 15.00 min, në Gjilan, në rr. ”Medlin Olbrajt” I pandehuri S.Gj., ka ushtruar dhunë fizike ndaj të dëmtuarës L.K. me të cilën ishte në lidhje jashtë martesore, ashtu që pas një mosmarrëveshje verbale në mes tyre vie deri te konflikti fizik, me ç’rast I pandehuri e godet viktimën me shuplakë në fytyrë, e kap për flokë të cilën e shtrinë për dyheme, ku e njëjta detyrohet që të kërkojë ndihmë mjekësore në Spitalin Regjional të Gjilanit, sipas raportit mjekësor me nr.10341 të dt. 19.05.2017.

-me çka ka kryer veprën penale Lëndimi i lehtë trupor nga neni 188 paragrafi 1 nën paragrafi 1.4 të KPRK-s.

Andaj, gjykata në bazë dispozitës së lartcekur ligjore dhe neneve 4, 41, 42, 43,50, 51, 73, 74 dhe 75 të KPRK, si dhe nenit 365 të Kodit të Procedurës Penale (KPP), të akuzuarit i shqipton:

DENIM ME KUSHT

Të pandehurit S.Gj., i shqiptohet dënim me burgim në kohëzgjatje prej 6 (gjashtë) muaj, i cili nuk do të ekzekutohet, nëse i pandehuri në periudhën verifikuese prej 2 (dy) vite duke filluar nga dita e plotfuqishmërisë së këtij aktgjykimi, nuk kryen veprën tjetër penale.

Të akuzuarit i shqiptohet taksa për kompensimin e viktimave të krimit, në shumën prej 30.00 € (tridhjetë euro), në bazë të nenit 39 paragrafi 3, nën paragrafi 1.3 të Ligjit për Kompensimin e Viktimave të Krimit.

Obligohet i pandehuri që të paguajë shpenzimet e procedurës penale dhe paushallin gjyqësor në shumën prej 20.00 € (njëzetë euro) në afat prej 15 ditësh pas plotfuqishmërisë së këtij aktgjykimi, nën kërcënimin e përmbarimit të dhunshëm.

A R S Y E T I M

1. Rrjedha e çështje

Prokuroria Themelore në Gjilan, me datë 30.05.2017, ka ngritur aktakuzën PP.II.nr.855/2017, kundër të pandehurit Sefedin Gjylekari, për shkak të veprës penale Lëndim i lehtë trupor nga neni 188 paragrafi 1 nën paragrafi 1.4 të KPRK-së. Në shqyrtimin gjyqësor në të cilin ishin prezent Prokurori i Shtetit, Shefik Memeti, e dëmtuara L.K. dhe i pandehuri S.Gj., në të cilën seancë i pandehuri pas leximit të aktakuzë deklaroi se e pranon fajësinë për kryerjen e veprës penale.

2. Vlerësimi i pranimin të fajësisë

Në shqyrtimin gjyqësor dhe publik, gjyqtari i vetëm gjykues pas dëgjimit të prokurorit të shtetit, ka marrë aktvendim me të cilin ka pranuar fajësinë e të pandehurit S.Gj. për kryerjen e veprës penale për të cilën akuzohet, ngase ka konstatuar se janë plotësuar gjitha kushtet ligjore për një gjë të tillë. Në këtë aspekt gjyqtari i vetëm gjykues ka konstatuar se i pandehuri e ka kuptuar drejtë natyrën dhe pasojat e pranimin të fajësisë, se pranimi i fajësisë është bërë vullnetarisht, se i pandehuri nuk ka qenë i detyruar ose i shtrënguar në asnjë mënyrë që të pranojë fajësinë, se pranimi i fajësisë mbështetet në faktet e çështjes të cilat i përmban aktakuza dhe se aktakuza nuk përmban ndonjë shkelje ligjore e as gabime faktike.

3. Gjendja faktike e vërtetuar

Duke u bazuar në të lartcekurat, gjyqtari i vetëm gjykues vërtetoi këtë gjendje faktike: se i pandehuri S.Gj. ka kryer veprën penale Lëndimi i lehtë trupor nga neni 188 paragrafi 1 nën paragrafi 1.4 të KPRK-s, në kohën vendin dhe mënyrën e përshkruar si në dispozitiv të këtij aktgjykimi.

4. Elementet e veprës penale

Gjykata, pas dëgjimit të deklaratave të palëve lidhur me dënimin, e ka shpallur fajtor të pandehurin S.Gj. për shkak të veprës penale Lëndimi i lehtë trupor nga neni 188 paragrafi 1 nën paragrafi 1.4 të KPRK-s, ngase veprimet e të njëjtit i përmbajnë të gjitha tiparet e veprës penale dhe se për të njëjtën është dhe penalisht përgjegjës. Kjo për faktin se i njëjti e ka pranuar edhe vet.

Në nenin 188 paragrafi 1 të KPRK-s, vepra penale Lëndimi i lehtë trupor konsiderohet:

1. Kushdo që personit tjetër i shkakton lëndim të lehtë trupor, i cili rezulton në:
 - 1.1. dëmtimin e përkohshëm ose dobësimin e një organi apo pjese të trupit të personit tjetër;
 - 1.2. zvogëlimin e përkohshëm të aftësisë së personit tjetër për të punuar;
 - 1.3. shëmtimin e përkohshëm të personit tjetër; ose
 - 1.4. dëmtimin e përkohshëm të shëndetit të personit tjetër.

5. Rrethanat që janë marrë për bazë me rastin e shqiptimit të dënimit

Gjyqtari i vetëm gjykues, me rastin e shqiptimit të dënimit duke u bazuar në nenit 73, 74, 75 dhe 76 të KPRK-ës, ka vlerësuar se duhet të pranohet pranimi i fajësisë nga ana e të pandehurit

dhe të njëjtit ti shqiptohet dënim me kusht, si në dispozitiv të këtij aktgjykimi, ngase duke i marrë parasysh të gjitha rrethanat dhe provat ky dënim do të jetë dënim i drejtë dhe në harmoni me peshën e veprës penale, ashtu që të pandehurit S.Gj. si rrethanë posaçërisht lehtësuese ka marrë faktin se i pandehuri ka pranuar fajësinë për veprën penale për të cilën akuzohet, e dëmtuara nuk i është bashkangjitur ndjekjes penale dhe nuk ka paraqitur kërkesë pasurore juridike, se i njëjti është penduar dhe ka premtuar gjykatës që në të ardhmen nuk do të kryej vepra tjera penale, ndërsa si rrethana rënduese gjykata ka konsideruar lëndimet e shkaktuara të dëmtuarës.

6. Shqiptimi i dënimit në harmoni me peshën e veprës penale dhe me shkallën e përgjegjësisë penale të pandehurit dhe qëllimi i dënimit të shqiptuar

Sipas bindjes së gjyqtarit të vetëm gjykues dënimi i shqiptuar ndaj të pandehurit S.Gj., duke marr parasysh rrethanat e përmendura më lartë është dënim i drejtë dhe në harmoni me peshën e veprës penale dhe shkallën e përgjegjësisë penale të pandehurit. Gjyqtari po ashtu ka konstatuar se me këtë dënim mund të arrihet qëllimi i dënimit nga neni 41 të KPRK-s, i cili konsiston në parandalimin e të pandehurit nga kryerja e veprave penale dhe rehabilitimin e tij, parandalimin e personave të tjerë nga kryerja e veprave penale, shprehja e gjykimit shoqëror për veprën penale dhe ngritjen e moralit dhe forcimin e detyrimit për respektimin e ligjit.

7. Vendimi mbi shpenzimet e procedurës penale

Duke e pasur natyrën e kësaj çështje penale dhe gjendjen financiare e të pandehurve, gjykata, duke u bazuar nën 453 paragrafi 1 të KPP, ka vendosur që të pandehurit ti detyrojë për ta paguar shpenzimet e procedurës penale, dhe paushallin gjyqësor, si dhe taksa për Kompensimin e Viktimave në afat prej 15 (pesëmbëdhjetë) ditëve, nga dita kur ky aktgjykim të bëhet i formës së prerë.

Andaj duke u bazuar në të lartcekurat gjykata vendosi si në dispozitiv të këtij aktgjykimi.

**GJYKATA THEMELORE NË GJILAN
P.nr.592/2017 - Më datë 14.11.2018**

Sekretarja Juridike
Fatmire Sermaxhaj d.v
d.v

Gjyqtari
Behar Ymeri

KËSHILLA JURIDIKE: Kundër këtij aktgjykimi mund të paraqitet ankesë në Gjykatën e Apelit në Prishtinë / Departamentit të përgjithshëm në afat prej 15 ditëve nga dita e pranimit e të njëjtit. Ankesa në kopje të mjaftueshme i paraqitet kësaj gjykate